

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 33. stav 2. i 3. Zakona o privatizaciji preduzeća („Službene novine Federacije BiH“, broj: 27/97, 8/99, 32/00, 45/00, 54/00, 27/01, 61/01, 27/02, 33/02, 28/04, 44/04, 42/06 i 4/09), člana 28. stav (1) Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), člana 1. i 2. Odluke Vlade Zeničko-dobojskog kantona o otvaranju namjenskog računa u Razvojnoj banci Federacije Bosne i Hercegovine i određivanju ovlaštenih potpisnika naloga platnih transakcija („Službene novine Zeničko-dobojskog kantona“, broj: 14/17), tačke I. Zaključka Vlade Zeničko-dobojskog kantona broj: 02-14-15200/17 od 02.11.2017. godine i člana 3. Ugovora o namjenskom depozitu broj: 07-14-19795-9-1/14 od 21.12.2017. godine, na prijedlog Ministarstva finansija, Vlada Zeničko-dobojskog kantona, na 19. sjednici, održanoj dana 30.08.2019. godine, d o n o s i

ODLUKU

o prenosu sredstava deponovanih na posebnom ESCROW računu Zeničko-dobojskog kantona na poseban fond Razvojne banke Federacije Bosne i Hercegovine i izdvajanju dijela sredstava za sanaciju i osiguranje osnovnog kapitala u fondu Federalnog zavoda za penzijsko i invalidsko osiguranje

Član 1.

(Prenos sredstava deponovanih na posebnom ESCROW računu Zeničko-dobojskog kantona na poseban fond Razvojne banke Federacije Bosne i Hercegovine)

(1) Vršiti se prenos sredstava deponovanih na posebnom ESCROW računu Zeničko-dobojskog kantona u iznosu od 2.037.391,50 KM, od sredstava povrata rata kredita, odobrenih iz sredstava dobijenih prodajom preduzeća u procesu privatizacije na području Zeničko-dobojskog kantona, na poseban fond Razvojne banke Federacije Bosne i Hercegovine, uplatom na transakcijski račun Razvojne banke br. 195-001-00000014-89.

(2) Sredstva iz stava (1) ovog člana će se koristiti na osnovu pojedinačnih odluka Vlade Kantona, za poticaje privredi na području Zeničko-dobojskog kantona, u skladu sa Ugovorom o namjenskom depozitu broj: 07-14-19795-9-1/14 od 21.12.2017. godine, zaključenim između Razvojne banke Federacije Bosne i Hercegovine i Vlade Zeničko-dobojskog kantona i radi realizacije dijela Programa utroška budžetskih sredstava u 2019. godini (Subvencije privatnim preduzećima i poduzetnicima - ESCROW) Ministarstva za privredu Zeničko-dobojskog kantona, na koji saglasnost dala Vlada Zeničko-dobojskog kantona, Zaključkom broj: 02-14-8217/19 od 15.05.2019. godine.

Član 2.

(Izdvajanje dijela sredstava sa namjenskog računa u Razvojnoj banci FBiH na račun fonda Federalnog zavoda za penzijsko i invalidsko osiguranje)

(1) Daje se ovlaštenje Razvojnoj banci Federacije Bosne i Hercegovine za izdvajanje dijela sredstava sa računa namjenskog depozita otvorenog kod Razvojne banke Federacije Bosne i Hercegovine za potrebe Zakonom utvrđene obaveze sanacije i osiguranja osnovnog kapitala fonda Federalnog zavoda za penzijsko i invalidsko osiguranje, u iznosu od 407.478,30 KM.

(2) Sredstva u visini navedenoj u stavu (1) ovog člana će se prenijeti sa ESCROW računa Zeničko-dobojskog kantona na poseban fond Razvojne banke Federacije Bosne i Hercegovine, nakon čega će se sa računa namjenskog depozita otvorenog kod Razvojne banke Federacije Bosne i Hercegovine uplatiti na poseban račun Federalnog zavoda za penzijsko i invalidsko osiguranje broj: 3381302232252568, otvoren kod UniCredit bank dd Mostar.

Član 3.

(Ovlašteni potpisnici naloga platnih transakcija)

Za ovlaštene potpisnike naloga platnih transakcija sa namjenskog računa u Razvojnoj banci Federacije Bosne i Hercegovine, od strane Vlade Zeničko-dobojskog kantona određuju se:

- a) Mirza Ganić, premijer Zeničko-dobojskog kantona,
- b) Josip Lovrić, ministar Ministarstva finansija.

Član 4.

(Realizacija Odluke)

Za realizaciju ove odluke zadužuju se Ministarstvo finansija, Ministarstvo za privredu i Razvojna banka Federacije Bosne i Hercegovine.

Član 5.

(Stupanje na snagu)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-14-13331/19

Datum, 30.08.2019. godine

Zenica

PREMIJER

Mirza Ganić

DOSTAVLJENO:

1x Ministarstvo finansija,

1x Ministarstvo za privredu,

1x Razvojna banka Federacije Bosne i Hercegovine,

ul. Igmanska broj 1. 71000 Sarajevo, putem Ministarstva finansija,

1x „Službene novine Zeničko-dobojskog kantona“,

1x a/a.